

Maćica Serbska nowe předsydstwo woliła

Budyšin (SN/bn). Dr. Anja Pohončowa je nowa předsydka Maćicy Serbskeje (MS). Na sobotnej hłownej a wólbnej zhromadźiznje na žurli Budyskeho Serbskeho domu wuzwoli něhdže 40 přítomnych člonow wědomostneho towarstwa řeč-spytnicu Serbskeho instituta bjez napřečiwneho hłosa. Wona naslěduje Jurja Łušćanskeho, kiž njeje runja wjelelětnymaj sobustawomaj předsydstwa Marce Cyžowej a Jěwje-Mari Čornakec znowa kandidował. Zdobom wuzwolichu resp. wobkručichu Maćicarjo – tohorunja bjez napřečiwnych hłosow – dr. Annett Brězanec, dr. Ines Kellerowu, Janku Pěček de Lévano, dr. Pěťša Šumana, prof. Dietricha Šoftu a Alexandera Pólka do předsydstwa resp. w předsydstwje.

„Džakuju so za dowěru. Nastupić jako kandidatka njebě lochki rozsud, sym dołho rozmyslowała a wotwažowała. Wěm pak, zo mam spuščomnych partnerow w předsydstwje“, dr. Pohončowa wólbny wuslědk komentowaše. Centralny nadawk w nowym zastojnstwje je za nju „přihot jubileja 175. rěčnicy založenja najstaršeho serbskeho towarstwa za dwě léće“. Wo rozdželenju nadawkow noweho předsydstwa, potajkim wo prašenju, što wukonja přichodnje funkciju městopřed-

sydy abo městopředsydki kaž tež pokladnika abo pokladnicy, chcedža 9. nowembra wuradźować.

Jurij Łušćanski džakowaše so za „štyri léta wunošneho zhromadneho džěła“ a nadžija so „wuspěšneho pokročowanja narodnostneho skutkowanja“ MS. „Wo-



Nětko na čole Maćicy Serbskeje: dr. Anja Pohončowa Foto: Maćij Bulank

sebity džak słuša za spuščomne nawjedowanje sekcijow Trudli Malinkowej a Měrkej Šolće runje tak kaž předsydomaj řečneju komisijow dr. Soni Wólkowej a dr. Fabianej Kaulfürstej za dobre, wobhladniwe džěło.“

Hinak hač hewak njerozprawjachu lětsa nawodža jednotliwych sekcijow wo jich džěławosći, dokelž měła zhromadźizna strowotniskich předpisow dla tak krótka kaž móžna być. Tohodla su rozprawy w septemberskim wudaću Rozhlada wozjewjene. Wuwzaći běštej přinoškaj předsydy – tón ma w nowemberskim Rozhledze wuńć – a pokladnicy.

Bymjež MS loni snadny deficit wuhospodariła, je financne položenje po słowach Jěwje-Marje Čornakec cyłkownje dosć dobre. Jurij Łušćanski wuzběhny „pjeć nowych člonow“, z čimž ma Maćica „tuchwilu 111 sobustawow“. Nimo toho wopominachu třoch loni zemrětych Maćicarjow Měta Pemaka, Korlu Lejnika a dr. Helmuta Jenča z wokomikom čišiny. Dr. Robert Lorenc wěnowaše so w zhromadźiznu zakončacym přednošku „Statistika lužiskich Serbow – Analytiske přistupy ke klasikarjej sorabistskeje publicistiki“ sławnej knize Arnošta Muki a „ródnej hodžinje serbskeje sociologije“.